



Broj: 06-30-7071/24 KF
Sarajevo, 22.07.2024. godine

Na osnovu člana 20. i člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, br. 49/05) i Odluke Vlade Kantona Sarajevo broj: 02-04-31329-17/24 od 06.06.2024. godine, direktor Zavoda za izgradnju Kantona Sarajevo objavljuje:

JAVNI OGLAS za prijem namještenika u radni odnos na neodređeno vrijeme

1. Radno mjesto:

1. Referent za poslove prijema stranaka i poslove recepcije _____ 1 (jedan) izvršilac

2. Opis poslova:

Organizuje i odgovoran je za rad recepcije; odgovoran je za prijem stranaka; vodi evidenciju i organizuje kretanje lica kroz zgradu te kontolira pristup i korištenje parking prostora oko zgrade Zavoda; uspostavlja interne telefonske veze, po potrebi obavlja poslove obezbjeđenja, obavlja i druge poslove iz djelokruga Zavoda po nalogu šefa Službe.

3. Posebni uslovi za obavljanje poslova radnog mjesta:

Pored općih uslova iz člana 24. Zakona o namještenicima u organima državne službe u Federaciji Bosne i Hercegovine, kandidat treba ispunjavati i posebne uslove:
SSS, završena Gimnazija ili srednja tehnička škola ili srednja stručna škola, položen stručni ispit, do 6 mjeseci radnog staža.

U radni odnos se može primiti kandidat koji nema položen stručni ispit, s tim da je isti dužan položiti, kako je to predviđeno članom 32. stav. 2. Zakona o namještenicima u organima državne službe u FBiH.

4. Spisak potrebnih dokumenata:

- Svojeručno potpisana pisana prijava na Javni oglas sa kratkom biografijom, kontakt podacima (adresom stanovanja i brojem telefona) i sa tačno navedenom dokumentacijom koju kandidat prilaže na Javni oglas,
- Uvjerenje o državljanstvu BiH (ne starije od šest mjeseci),
- Izvod iz matične knjige rođenih,
- Svjedočanstvo ili diploma o traženoj vrsti i stepenu stručne spreme (nostrificirano svjedočanstvo/diploma ukoliko SSS nije završena u Bosni i Hercegovini),
- Dokaz o radnom stažu u struci (potvrda iz službenih evidencija poslodavaca ili uvjerenje FZ PIO/MIO FBiH),
- Dokaz o položenom stručnom ispitu za namještenika u organima državne službe,
- Izjava da kandidat nije obuhvaćen odredbom člana IX stav 1. Ustava BiH (ovjerava općinski organ),
- Izjava da kandidat u posljednje dvije godine nije otpušten iz organa državne službe kao rezultat disciplinske mjere na bilo kojem nivou vlasti u Federaciji BiH, odnosno BiH (ovjerava općinski organ),

- Dokumentacija kojom se dokazuje status iz tačke 5. Javnog oglasa.

5. Prednost pri zapošljavanju pod posebnim uslovima:

Prioritet u zapošljavanju kandidat dokazuje odgovarajućim dokumnetom (potvrda, uvjerenje, rješenje i sl.), koji prilaže prilikom prijave na Javni oglas, u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama Kantona Sarajevo („Službene novine Kantona Sarajevo“, broj: 37/20 i 27/21), Zakonom o dopunskim pravima boraca-branitelja („Službene novine Kantona Sarajevo“, broj: 45/12, 26/14, 46/17, 18/19, 20/20 i 24/20), Zakonom o pravima branilaca i članova njihovih porodica („Službene novine Kantona Sarajevo“, broj: 33/04, 56/05, 70/07, 9/10, i 90/17), Zakonom o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 61/06, 9/10, 90/17), Zakonom o pravima demobiliziranih branilaca i članova njihovih porodica („Službene novine Federacije BiH“, broj: 54/19) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 38/20 i 28/21).

Popis dokumentacije kojom se dokazuje status korisnika po ovoj uredbi je sljedeći:

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	-Uvjerenje o statusu djeteta šehida-poginulog, umrlog i nestalog branioca -Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i -Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruga ratnog vojnog invalida	-Uvjerenje o statusu supruge ratnog vojnog invalida -Rješenje o priznatom pravu na invalidninu	Općinska služba za boračko-invalidsku zaštitu

Dokumentacija uz prijavu dostavlja se u originalu ili ovjerenoj kopiji.

Izabrani kandidat bit će dužan dostaviti uvjerenje o općoj zdravstvenoj sposobnosti za obavljanje poslova radnog mjesta.

6. Rok trajanja Javnog oglasa i adresa za podnošenje prijave:

Javni oglas ostaje otvoren **15 (petnaest) dana** od dana objavljivanja.

Potrebnu dokumentaciju dostaviti u roku od 15 dana od dana objavljivanja Javnog oglasa na web stranici Zavoda i obavještenja u dnevnim novinama, putem pošte na adresu:

Zavod za izgradnju Kantona Sarajevo

Ulica Kaptol broj 3

71000 Sarajevo

sa naznakom

„Ne otvarati – Javni oglas za prijem namještenika u radni odnos“

Napomena: U skladu sa članom 28. Zakona o namještenicima u organima državne službe u Federaciji BiH, namještenik koji bude primljen putem javnog oglasa podliježe obavezi probnog rada koji traje tri mjeseca. Nepotpune, neuredne i neblagovremene prijave neće se razmatrati.

